



08 APR, 2024

10,000 petugas TNB siap siaga sempena Aidilfitri

Harian Metro, Malaysia



10,000 petugas TNB siap siaga sempena Aidilfitri

Kuala Lumpur: Tenaga Nasional Bhd (TNB) menugaskan hampir 10,000 tenaga kerja pelbagai peringkat di sepanjang rantai perkhidmatannya di 11 negeri di seluruh Semenanjung bagi menjamin kestabilan bekalan elektrik menjelang sambutan Aidilfitri.

Pada kenyataan semalam, Presiden

Pemantauan ditingkatkan menjelang hari raya

dan Ketua Pegawai Eksekutif TNB, Datuk Ir Megat Jalaluddin Megat Hassan berkata, pemantauan ditingkatkan menjelang hari raya dengan kebiasaannya tempoh 72 jam bermula sehari sebelum 1 Syawal adalah kritikal berikutan orang ramai rancang membuat persiapan terutama pada malam Aidilfitri.

"Walaupun tugasan ini

ialah rutin harian warga kerja di bahagian perkhidmatan masing-masing, saya yakin setiap daripada warga kerja ini akan memberikan yang terbaik demi pengguna di seluruh negara," katanya.

TNB memaklumkan, bagi menghargai sumbangan warga kerja terbabit, pihaknya mengekalkan tradisi menitipkan bingkisan kuih raya yang disediakan dengan kerjasama Persatuan Wanita TNB. - Bernama



PENUGASAN tenaga kerja pelbagai peringkat bagi menjamin kestabilan bekalan elektrik menjelang sambutan Aidilfitri. - Gambar ihsan TNB